

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. V. De signo Crucis. Horae Canonicae à signo Crucis incipiunt. Signi hujus
antiquitas, & virius ex sanctis Patribus. Qua ratione manu exprimatur. Alia
quaedam de Cruce obiter nonantur.

urn:nbn:de:hbz:466:1-9929

438 DE SINGULIS PARTIBUS
festinare nos in versuum pronunciatione impellunt.
Alii contra Psalmodiam protrahere voluptatis causa
hortantur. Nonnurquam verò ori etiam assidentes no-
stro ita illud claudunt, ut vix aperiri posse videatur.
An autem vetus Ecclesia ante D. Benedictum horis
Canonicis hunc versiculum præmiserit incertum est;
nec extat hujusmodi ritus indicium aliquod apud an-
tiquos Scriptores, & quod modò ex Cassiano recita-
vimus de privata oratione intelligi debet, ut Joannes
(b) Lorinus vir multæ lectionis observat.

§. V.

DE SIGNO CRUCIS.

*Hora Canonica à signo Crucis incipiunt. Signi hujus anti-
quitas, & virtus ex sanctis Patribus. Qua ratione manu
exprimatur. Alia quædam de Cruce obiter notantur.*

I. **A** Saluberrimo signo Crucis omnes horas Cano-
nicas auspicari solemus. Nam dum Sacerdos
sacrarum precum initio divinum postulat adjutorium,
eo nos contra diabolicas fraudes armamus, orantes
fieri nobiscum signum in bonum, ut videant qui ode-
runt nos, & confundantur, quoniam Dominus psal-
lentes adjuvat, & consolatur. Hujus tremendi, ac
sacratissimi signi quanta sit virtus, quanta antiquitas,
quanta potentia, si collectis hinc inde è sanctis Patri-
bus, aliisque Scriptoribus Ecclesiasticis sententiis, &
testimoniis accuratè recensere voluero, integrum vo-
lumen scribendum erit, adeò multa mihi est in hanc
rem parata supellex. Ex uberrima igitur messe Spicile-
gium faciam. S. (a) Clemens Romanus signum Cru-
cis appellat infractum signum, quia sicut signum rem
custodit, cui appositum, & impressum est, ita Crux

b Lorin. in pl. 69. *a* Clem. l. 1. const. Ap. cap. 16.

munitissima rerum omnium custodia est. Sanctus Ignatius Epistola ad Philippenses; Crux Christi perditio dia-boli. Sanctus Martialis Epistola ad Burdigalenses, Crucem Domini, in quem credidistis, semper in men-te, in ore, in signo tenete, Crux enim Domini arma-tura vestra. (b) Dionysius Areopagita docet signum Crucis ad omnia sacramenta adhiberi. (c) Justinus Martyr, sive Auctor quæstionum apud ipsum, à die-bus Apostolorum usum ostendit emanasse, quo Chri-stiani dextera manu seipso, & alia signo Crucis ob-sig-nant. (d) Tertullianus notissimum illud scripsit. Ad omnem progressum atque promotum, ad omnem adi-tum atque exitum, ad vestitum, ad calceatum, ad mensas, ad lavacra, ad lumina, ad cubilia, ad sedi-lia, quæcunque nos conversatio exercet, frontem Cru-cis signaculo terimus. (e) Origenes, Quid timent, inquit, demones? quid tremunt? sine dubio Crucem Christi, in qua triumphati sunt, in qua exuti sunt Prin-cipatus eorum, & Potestates. Timor ergo, & tremor cadent super eos, cum signum Crucis in nobis viderint fideliter fixum. (f) Hippolytus Martyr inter alias abo-minationes Antichristi hanc enumerat, quod suis cul-toribus characterem dabit in dextera, & fronte, ne Crucis signum pingant in frontibus suis. Sanctus Cor-nelius Papa Epistola ad Fabium Antiochiæ Episcopum, Crucem vocat sigillum Domini, quo qui munitus non est, non potest accipere Spiritum sanctum. (g) Cy-prianus ad plebem Thibari consistentem: Muniatur frons, ut signum Dei incolume servetur. Et initio li-bri de lapsis, Frons cum signo Dei pura diaboli coro-nam ferre non potuit, coronæ se Domini reservavit. [h] Minutius Felix Ethnicoz Crucis osores irridet, illisque opponit quod signa eorum, atque vexilla nihil

b Dionys. in Eccl. Hierarch. c Just. q. 118. d Tertull. de cor. milit. cap. 3.
e Origen. Hom. 6. in Exod. f Hippol. or. de consum. saeculi. g Cypr. l. 4.
Ep. 6. h Minut. in Octav.

aliud sint, quam Cruces inauratae. Signo Crucis omnia magica compesci afferit [i] Athanasius. [k] Cyrius Hierosolymitanus: Fac signum Crucis & manducans, & bibens, & sedens, & cubans, & stans, & loquens, & ambulans, & in summa in omni tuo negotio. [l] Basilius differens de dogmatibus, quæ ex Apostolorum traditione sine scriptis recipimus, primo loco commemorat id quod primum & vulgatissimum testatur, ut signo Crucis signentur qui spem in Christo collocarunt. Lucianus in Philopseudo scribit (t) Eucratem annulo quodam ex Cruce facto adversus dæmones redditum esse securum. Julianum desertorem et si Cruci pertinaciter infensum nihilominus adversus terrores, & spectra Cruce se signasse post (m) Gregorium Nazianzenum, narrat Freculphus Luxoviensis. Etiam Cosrhoen Regem Persarum, tametsi infidelis esset, virtutem sanctæ Crucis agnoscisse testatur jucunda narratio ne Evagrius. Hieronymus Epistola ad Eustochium; Ad omnem actum, ad omnem incessum manus pingat Crucem, Et alibi refert eamdem Eustochium Paulæ matris ægrotæ os, & stomachum signasse, ut Crucis impressione dolorem leniret.

II. Docet [n] Chrysostomus Cruce signandum esse pectus ad turbatos animi motus cohibendos. Augustinus occurrentum diabolo ait cum Crucis vexillo, ut talibus armis induitus facile vincat Christianus. Scribit [o] Arnobius junior docuisse Dominum digitos nostros ad bellum, quia adversus visibles, & invisibles hostes docuit armare frontem triumpho Crucis. Justinus Imperator verba facturus ad populum se signo Crucis muniebat, teste (p) Corripo Poëta Africano, qui dum ejus laudes prosequitur, sic canit:

i Athar. or. de incarnat. Verbi k Cyri. cat. 4. l Basilius de Spiritu sancto c. 27. m Greg. Naz. or. 1. in Jul. Freculph. lib. 4. Histor. c. 9. Evag. l. 9. c. 18. Hier. Ep. 2. & 27. n Chrys. Hom. 83. in Math. o Arnob. in Pl. 143. p Corrip. 2. lib. de laud. Justitiae Imp.

*Ipse coronatus solium concendit avitum,
Atque Crucis faciens signum venerabile sedet,
Erectaque manu euncto præsente Senatu*

Ore pio hec oans ait^s

(q) Ludolphus Saxo Carthusianus libro de vita Christi B. Virginem primam fuisse scribit, quæ Crucem adoravit. (r) Joannes Damascenus; Crux, inquit, signum nobis data est super frontem, ut Israëli circumcisio: per ipsam discernimur ab infidelibus. Ipsa signaculum est, ut non tangat nos exterminator. [s] Sophronius Patriarcha Hierosolymitanus: Crux tutelaris est, & fidissima Christianorum custodia, & universorum ex adverso occurrentium insultuum profligatrix. [t] Andreas Cretensis: Crux scala in cœlum deducens, via ad virtutem adducens, vitæ conciliatrix, mortis solutio, corruptionis abalienatio, ignis extincio, in Deum fiducia, clayis regni cœlorum: Crux civitates custodit, domos tuetur, amicitias conglutinat, ab inimicorum injuria vindicat, hostibus relikit, gentes persequitur, barbarorum stimulus, pacis arbitra est. S. (u) Orientius:

Accipe tela quibus cordis pia mœnia serves,

Crux tibi sit clypeus, Crux tibi sit gladius,

(x) Julianus in prognostico. Crux ante Christum in die judicii ab Angelis portabitur. Signo Crucis nihil efficacius ad turpes effugandas tentationes afferit ex divina revelatione S. (y) Elizabeth de Schohaugia libro viarum Domini. Severianus Gabalorum Episcopus apud [z] Damascenum: Percussit Moyses silicem semel, & bis, non eodem modo, sed ita ut Crucis formam describeret, ut natura etiam inanimata Crucis notam veneraretur. (a) Theodosius, & Valentinianus Augusti gravissima poena eos multari debere statuerunt,

^q Ludolph. par. 2. cap. 66. ^r Damasc. de fide Orthod. l. 4. c. 12. ^s Sophron. h. n. de Cruce. ^t Andr. Cret. or. 1. de exalt. Crucis. ^u Orient. in Commonitorio. ^x Julian. lib. 3. c. 5. ^y Elizabeth. cap. 21. ^z Damasc. or. 3. de Imag. & C. L. unic. Nemini licere.

qui sigum Crucis humi pingere , sive insculpere præsumerent. (b) Anselmus , sive quisquis est auctor Commentariorum in Epistolam ad Romanos sub ejus nomine : Non sine causa signum suum Christus in fronte nobis figi voluit tanquam in sede pudoris , ne Christi opprobria Christianus erubescat. (c) Audoënnus in vita sancti Eligii : Profecto magna res est signum Christi , Crux Christi , sed illis solis prodest , qui faciunt mandata Christi. (d) Thomas à Kempis . In tribus locis præcipue statue signum Crucis ; super cor , super os , & super brachium . De eodem signo sic canit (e) Prudentius Christianorum Poëtarum ocellus.

*Fac cum vocante somno
Castum petis cubile ,
Frontem , locumque cordis
Crucis figura signet.
Crux pellit omne crimen ,
Fugiunt Crucem tenebrae ,
Tali dicata signo
Mens fluctuare nescit.
Procul , ô procul vagantum
Portenta somniorum ,
Procul esto per vicaci
Præstigiator astu.
O tortuose serpens ,
Qui mille per meandros ,
Fraudesque flexuofas
Agitas quieta corda ;
Discede , Christus hic est ;
Hic Christus est , liquefac .
Signum , quod ipse nosti ,
Damnat tuam catervam.*

Sibylla quoque de Cruce sic cecinit in fine libri sexti oraculorum Sibyllinorum.

b Anfel. ad cap. 10. Rom. c Audoën. l. 2. c, 16. d Thom. à Kem. Hospital pauper. c. 6. e Pruden. Hym. 6.

O lignum felix, in quo Deus ipse pependit,
Non te terra capit, sed cœli terra videbit,
Cum renovata Dei facies ignita mīcabit,
Tityrus Christianus apud (f) Severum Rhetorem si-
gno Crucis à pestilentia servatas pecudes astruit his
versibus.

*Hoc signum mediū frontibus additum
Cunctarum pecudum certa salus fuit.*

III. Non desunt alii testes, & exempla multorum mi-
rabilium, quæ Deo dilecti viri per signum sanctæ Cru-
cis sunt operati. Nam quis liber, aut quæ pagina Ec-
clesiasticæ historiz, aut quæ vita sanctorum hominum
legi potest, in quibus non statim invenias salutifero
Crucis signaculo expulsos dæmones, profligatos exerci-
tus, sedatas tempestates, fugatam pestilentiam, solu-
ta maleficia, evacuatum virus; incendia extincta, in-
terfectos dracones, erectos claudos, cęcos illuminatos,
curatas infirmitates, mortuos ad vitam revocatos? Hoc
signum, inquit (g Chrysostomus, & priscis & nostris
temporibus clausas januas reseravit, hoc venenorum
vires extinxit, hoc cicutæ vim dissolvit, hoc feroce
bestias repressit, hoc lethales serpentum morsus cura-
vit. Etenim si portas inferni perfregit, si cœlorum ostia
reclusit, si paradisi renovavit ingressum, si diaboli
nervos recidit, quid mirum est, si pestifera venena,
atroces bestias, aliaque hujusmodi superavit? Sed
his prætermisis illud magis querendum videtur, qua
ratione ipsum Crucis signum exprimi debeat, & ma-
nu formari. Sunt qui illud tribus digitis dexteræ ma-
nus effingunt, sub sanctissimæ Trinitatis invocatione:
sunt qui duobus ad duas Christi naturas contra Mono-
thelitas indicandas. Sunt qui signantes se à superiori in
inferius descendunt, & à dextera transiunt ad sinistram,
quia Christus de cœlo descendit in terram, & à Judæis
transiit ad Gentes. Usus tamen communis Occiden-

f Severinus in Bucolicis. g Chrys. Hom. 55. in Matth.

talis Ecclesiæ est, ut dextera manu Crucis expressio à fronte ad ventrem, & à sinistra ad dexteram producatur. Dicimus autem; In nomine ad significandam trium personarum indistinctam Divinitatem. Pater in fronte collocatur tanquam principium sine principio, prima persona Deitatis. Filii nomen pronunciatur, cum uterum tangimus, quia ex utero ante Luciferum genitus, & in plenitudine temporis in utero Virginis incarnatus salutem operatus est in medio terræ. Spiritum sanctum exprimimus, cùm manum à sinistra parte ad dexteram protendimus, quia videlicet à Patre & Filio utriusque nexus, & amor procedit: & sicut Christus de morte transivit ad vitam, ita nos de miseria transire speramus ad gloriam secundum spem vitæ æternæ. De Crucis signo diffusissimè scribunt Jonas Episcopus Aurelianensis, & Dungalus adversus Claudium Ikonoclastam Episcopum Taurinensem, itemque Chrysostomus Homilia quinquagesima quinta in Matthæum. Extant quoque de Cruce doctissimæ lucubrationses Justi Lipsi, & Jacobi Gretseri. De ejusdem veneratione antiquos canones refert (*b*) Antonius Augustinus, de qua re plura etiam habent Baronius in Annalibus, & Jacobus Bosius in Cruce triumphante. Arnoldus Abbas Bonavallis hoc apposito signo muniri ait; quod patet, & quod latet, ut habeant caro, & spiritus secura presidia. Etiam in nummis Crux imprimi solet in testimonium, & iuriurandum bonitatis monetæ in pondere, & materia, ut (*i*) Nicolaus Oresmius Episcopus Lexoviensis testatur: vel in testimonium Christianæ Religionis, ut scribit Anastasius Abbas initio libri contra Iudeos. Quod autem in præliis Crux adversus Crucem congregiatur, portentum est, quod primò apparuit in expeditione Constantii adversus Magnentium (*k*): nec enim aliis auspiciis tan-

b Ant. Aug. l. 16. juris Pontif. tit. 14. Baron. an. 60. Arnol. de verbis Dom. cap. ult. i Nic. Ores. de mon. monet. cap. 13. *k* Anno 353.

tum nefas debuit inchoare, quam cum hæreticus Imperator aduersus Tyrannum decertaret. (1) Nicolaus Primus in responsione ad consulta Bulgarorum, eos hortatur exemplo Constantini, cui dictum est, *In hoc signo vices*, ut Crucem ferant in signo militari, cum prius caudam equi portarent. Finio, si Crucem prius humiliter salutavero. Salve bona Crux, splendidior stellis, Luna micantior, rutilantior Sole, quæ tanquam vernantibus gemmis membris ornata Salvatoris, & pretioso Dei sanguine purpurata super astra Cœli felices ramos expandis. Salve lignum electum germinans vitam, fructificans jucunditatem, oleum stillans lætitiae, balsamum sudans spiritualium deliciarum. Tu salus mundi perdisti, tu portus periclitantium, tu iustitiae norma, tu morum disciplina, tu pugnantium virtus, tu vincentium gloria, tu præmium, & corona. O Crux amabilis, & dilecta, salva nos omnes tremendo tuo signaculo munitos, ut qui te fieri voluit nostræ redemptionis primarium instrumentum, per te quoque sanctificatos ad suæ gloriæ consortium nos transferat: quatenus in hac nostra qualicunque pœnitentiaæ Cruce feliciter consummati per ignominiam passionis ejus ad resurrectionis gloriam perducamur.

§. VI.

DE GLORIA PATRI.

Varii errores recensentur, & confutantur de hujus Hymni origine, & institutione. Quid sit Deum glorificare. Vera gloria quæ sit. Inanis gloria suggillatur, laudatur humilitas.

I. **M**agnus Basilius incomparabilis Ecclesiæ Doctor, qui sub Valente Imperatore floruit, (a)

^a Nicol. t. c. 33. & Baron. ann. 371. n. 71. & seqq.